

شینگاں رگ ماتھی کہ نیار

شینگاں رگ ماتھی کہ نیار پروردگارہ

آسمان درینیں حالہ سُو آتھکھ معلومہ

چھیں باجیات عظیم الشانہ

جنت پیدا کیت گلستانہ تُو ای موصوف اسم

رحمانائے

سُبحان ربی الاعلیٰ غنی غفارہ

آسمان درینیں حالہ سُو آتھکھ معلومائے

ایں کائینات چھیں ملکئینا

کاسکہ عزت کاسکہ زلتہ تُو دیاں یارب العزتانے

بندہ عاجز ہیگا فضول استری کارہ

آسمان درینیں حالہ سُو آتھکھ معلومہ

رب العزت کہ نانت زوالہ

قادر قیوم ذوالجلالہ دی ہارشی کہ تھو زوالہ

باقی اللہ ہو گو سہ واحد القہارہ

آسمان درینیں حالہ سُو آتھکھ معلومہ

دُنائے جیل خانہ عبدالحقائے

مرگ مارہ تھو مُطلقہ اللہ ایں دیش تھی کہ ائی

حاقائے

دُنائے فانی تھی ائی ہیچا گرم بازارہ

آسمان درینیں حالہ سو آتھکہ معلومہ

تھکے سُپاروت مئی اپان

تھکے سُپاروت مئی اپانائے

بخت دنائے تھی جھن دوئے تھیرہ پریشانہ یا

پاک اللہ

گناہ دہ ماں کئی ثبوت نات

چھیں رحمتاں کئی کموت نات

لا تقنتمو من الرحمت اللہ

یقین ان راکہ تئی منوت غنی سبحانہ یا پاک

اللہ

قیامتاں سختہ میدانائے

تمام مخلوق ہوگ سرگردانائے

حساب کتاب سختہ گرانائے

منی یا نفسی ہار آتک ہوگ پشیمانائے یا پاک

اللہ

عمر سو آنگلی بربادہ

مئی نہ جانو تانی مرادائے

یہ کاروان شیطان گٹر کپائے

اُنی پن رہ بھاشت اجدہ ماں کرگ نقصانہ یا

پاک اللہ

عبدالحق تلام این کیشائے

این ہر اشعار تھو شکر کیشہ

کمی دُنایہ نہ درتے پوہ عاقلان کہ این جنون لکہ زندان یا

پاک اللہ

ر کبیئی رہ پیالہ

ر کبیئی رہ پیالہ نہ تھاگ جنون نہ ماں صبور
ماں مویو مئی تھو قصور تانی بوب کہ دا ضرور
ن زمان مئی چیاں پوگ دہ زندگیاں اسپرنگ
کراں جوش کک نہنگ ہر مقام تھک پانگ
رہیں دیش تھی مقرر ان دہ صفا ہو آں ترور
ماں مویو مئی تھو قصور تانی بوب کہ دا ضرور
چیاں لال کما مگتے نا پوہی دہ ہوگ پر خنگ
لونئی ان پو تھی بنگ مجلس مئی موچھور ادرنگ
آس کٹوسہ گھنڑی تئی آخور وا کہ تل پھورور
ماں مویو مئی تھو قصور تانی بوب کہ دا ضرور
کتی ران تھو پیالا میز را کہ تھاگ شرنگ شرنگہ
صفائی مئی تھو خوش رنگہ ہر قماں دتھی رنگ
پعاقدار ان زمان گا نینت پکار سوماں شوخور
ماں مویو مئی تھو قصور تانی بوب کہ دا ضرور
یاغستان مئی زو آناہیں تھیر مئی آشی تبرزینگو
میزو تھی گھیاںش ٹھینگ دکاند ارما گھناںش کینگو

تھوس پھلکی سُرمہ داتو او تھار دہ گھنڑ نش جینگو
مُوٹو چھار ہیت این دستور تانی بوب کہ دا ضرور
عبدالحقین این دستور نکو کسآں سہ کراں جنگو
نہ یہ چرس پُو آں نہ بھنگو مئی شیطان کہ تلوت
شنگ
مئی شیطان اپینہ لیئنت تکہ غانٹولان ٹاک گوجور
ماں مویو مئی تھو قصور تانی بوب کہ دا ضرور

میں ارمان کورنگاں اوش

بنتِ بکو کوراں جوشِ ده شربتوں جام
میں ارمان کورنگاں اوشائے
آریں جوں ٹاک یاتِ بیقی زکدن
دناور خان نہ کراں اوجائے
بُج کھنگہ گاسہ آریں جوائے
یہ رات تے دوس کرتھی سوچائے
کھنہ آریں جوں لینس ماسہ نہ جولانت
وربزرگا کرتھی شوچائے
یہ جیگ بنالوں گرم سالائے
مئی ماتھی اشوک ہوش کتیک کالائے
مُوٹو بیگار یاتِ ڈیرہ دینت شول
ایں آریں جوں کرتھی کوشائے
اے والی صابیں آشی زورائے
تھہ کا ڈھنڑاک کرنش زورائے
ست جبین مخلوق بینتِ اے شخالستان
ان ماکہ ناٹھو کمی سوچائے

ایں لگ چلیں تھا کہ زندانائے

ہنر نا پھٹک اوری شیطانائے

پن رہ شوکیدار بانست رکہ نچھورانت

تھوں بیت کوڈ جب گنیم بیہ اوچائے

لغزش شیطان

رہہ کیتھی مٹوں پیدا عبادتیں کیر

ایں شیطان ہوتھی پیدا شرارتیں کیر

ان آدم علیہا السلام مسخرہ کیر

جنت ما گڑی دُنایہ درپدار کیر

حقیقی دشمن انسانیں ذلتیں کیر

ایں شیطان ہوتھی پیدا شرارتیں کیر

تکبر دہ ان سجدّا ماتھی انکار کیر

پاک اللہ مقرر اُس کہ انگار کیر

قیامت کہ ائی دروتے لعنتیں کیر

ایں شیطان ہوتھی پیدا شرارتیں کیر

ابتدا تھی اسیں ہارہ فعل خبیثائے

لوح محفوظ مئی اسان نام چُونرُوشِ اِبلِیّا

اُئی دُنایہ سرگردان فسادتیں کیر

ایں شیطان ہوتھی پیدا شرارتیں کیر

عبدالحقّی ما نکرال مکی مگزار کیت

کفن شاہچاں فضول اسری کار کیت

پاک اللہ کہ ماں سوال تھو جمتیں کیر
ایں شیطان ہوتھی پیدا شرارتیں کیر

مخلوقِ ہتھی پریشانہ

مخلوقِ ہتھی پریشانہ آخر وہاں نشانہ

غالب ہوتھی شیطانہ ماں توبہ اللہ یا اللہ

نہ لوظ نئے اقرار تھکے کہ کھانت کلام اللہ

ظاہر بزرگانہ چم تو منافعانہ ہر آک ضرر رسانہ

ماں توبہ اللہ یا اللہ

دوہیں رسمیں ریٹ گزری بازاراں نرخ چات

ایں رسم ہندو آنہ دویا می ائی سکا نہ تو کاڈہ مسلمانہ

ماں توبہ اللہ یا اللہ

بیر ما کہ ترس نانت مننتھی دھودہ الالہ

مگا تھئی سہ شیطانہ بیگا پڑگ قرآنہ بیچک تھئی ما

ایمانہ ماں توبہ اللہ یا اللہ یا اللہ

مرگ کسانیاں نہ یانت آخر مقام گور

وطنائ مشرانہ آم غاصب تے جاہرانہ ہونالان

غر بیائانہ ماں توبہ اللہ یا اللہ یا اللہ

ع، ب، د، ا، لام حیو قاف

قبضہ مئی گش لیسانہ تھئی ما تھی ہوگ نقصانہ

اساں ہو آں پُرسانہ ماں توبہ اللہ یا اللہ یا اللہ

کالامیں نُن

کالامیں نیناں جوشِ تمنّت

واکہ ائی خاموش پھکّال مئی زار پھکّال مائے

نُج اسان اُو لکھ شرابہ

کرت چپّا ائی بیچ و تابہ

ائی کالامیں نیناں جوشِ تمنّت

واکہ ائی خاموش پھکّال مئی زار پھکّال مائے

بٹ خال مئی چھتھی اسیں ڈنڈائے

چُوموت انگریزہ ملاکنڈائے

ائی کالامیں نیناں جوشِ تمنّت

واکہ ائی خاموش پھکّال مئی زار پھکّال مائے

اوشو اُتروٹ تھی ہیت روانائے

کالامی چات ان باغستانہ

ائی کالامیں نیناں جوشِ تمنّت

واکہ ائی خاموش پھکّال مئی زار پھکّال مائے

نُج کتی ران تھو کالاماں بنڑائے

یہ آن دہ چوم تر موڈنڈائے

آئی کالیں نیناں جوشِ تمنت

واکہ آئی خاموش پشکالِ مئی زارِ پشکالِ مائے

موڈنڈ واکہ تلم کونڑہ

مَسیناں تانہ تھوئی ہنڈائے

آئی کالیں نیناں جوشِ تمنت

واکہ آئی خاموش پشکالِ مئی زارِ پشکالِ مائے

فینی بے وفا دُنائے

فینی بیوفا مال مہیں کیر جواب ندگ تنگیرہ
بس مئی تانی تول کیت مہاں انتظار مُوکر دگیرہ
مئی ماتھی بار خلق پھر مال گات
قبراں بھاگی معلوم ناناٹے
ایں دردوں تے آرمان
زندان رہ تندئی تھیراے
پکار نیال دولتاں کارغان
نہ اولاد نئے خزانائے
کھنگہ گرر باروت دُنائیں کیر
پل موٹ بیرہ
نہ دراں باچہ نہ امیر آئے
نہ دولت مند نئے فقیر آئے
ملخری آل تاج دھروت
مُوم تو کہ گیت کو پیر آئے
دُنائے جیل خانہ عہاں باسار
کم عتفلان کئی انی بازار
عبدالحق کتاب پشت
دُنائے تھی تیرو بیرہ فینی باوفا

پنچ اُکس

پنچ اُکسے من تھی ماں ہیکو کور
آم کہ حلال کرم یہ تانی کور کور
چرگ مثالوں ٹوکاں جام

پت پتئی شربتوں جام جام
مٹیزی نانت خدائے چھاں نام رہ شکر
آم کہ حلال کرم یہ تانی کور کور
عہہ چی تیار ہفہ دہ یار وی

یار ہفہ وی چی وفادار وی
ہیکی نکو چھاں ہڑ تھی جاگ سلیہ
آم کہ حلال کرم یہ تانی کور کور
منافقان سہ ماں کہ کار نانت
سمئی کرو کہ یہ تیار نانت

بھار کہ نکاں مکہ ناٹان تھی شو مور
آم کہ حلال کرم یہ تانی کور کور
مینہ محبات خلقہ رات کیت

جب دہ جھو آ پتائے غیبات کیت

آہدی رہ پانچ ہو اُن تھی کہ کُچھ
آہم کہ حلال کرم یہ تانی کُو کور

عبداللہ حقین ان ماٹے غراض نات

خوباغ مئی کُلاب کھی نرگاس نات

ڈل مانکرال مئی ماٹے پھنٹا تھی دُو کھور

آہم کہ حلال کرم یہ تانی کُو کور